



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap tallimangornermi ulloq 24. november 2006-imi aalajangiinera pillugu Naalakkersuisunut ilisimatitsineq - Suliaq nr. 01.31.06/06-00208 (Naalakkersuisut aalajangiinerat ulloq 8. november 2006, imm. 2)

Isumaqatigiissutinik akileraarutinillu suliaqarnermi qitiusumik ingerlatsilernissamut aningaasatigut kinguneri

Naalakkersuisut **inassutigaaat**,

kontumi pingaarnermi 20.11.56 Tapiissutinut missingersuutinut iluarsiiisutit, allaffissorneq, 5.204.000 kr.-nik aningaasaliissutit amerlineqassasut.

kontumi pingaarnermi 20.11.51 Isumaqatigiissutinut tunngatillugu aningaasartuutissanut sillimmatit 5.204.000 kr.-nik aningaasartuutit ikilineqassasut. suliaasaqarfimmi 10-89-imi oqaasertaliussatut ilanngussat Aningaasaqarnermut Ataatsimiititaliamit akuersissutigineqassasut.

kontumi pingaarnermi 24.01.01 Akileraarnermut Pisortaqaarfik, allaffissorneq, 2.500.000 kr.-nik aningaasaliissutit amerlineqassasut.

Kontumi pingaarnermi 20.11.67 Akileraarutit suliarineqartarnerat qitiusumik ingerlanneqartalernissaanut sillimmatit, aningaasaliissutit 2.500.00 kr.-nik ikilineqassasut.

Aningaasaqarnermut Ataatsimiititaliap oqaaseqaatai

Akileraarutit suliarineqartarnerat qitiusumit ingerlanneqartalernissaanut sillimmatinit 2,50 mio. kr.-it Akileraarnermut Pisortaqaarfimmi allaffissornikkut kontoanut nuunneqarnissaat Aningaasaqarnermut Ataatsimiititaliamit akuersissutigineqarnissaat suliami matumani Naalakkersuisut qinnutigaaat. Akileraarutit suliarineqartarnerisa qitiusumit ingerlanneqartalernerata kingunerisaanik aningaasaliinissamik atorfissaqartitsineq pinngorsimavoq.

ASG-mik aamma DJØF-imik isumaqatigiissutinut nutaanut atatillugu aningaasaliinissamik atorfissaqartitsineq 2,23 mio. kr.-inik qaffaateqarsimasoq Naalakkersuisunit paasineqarpoq. Tamatuma saniatigut Namminersornerullutik Oqartussat pisortat akissarsiaat pillugit suliniutaat ilaatigut pissutigalugu Namminersornerullutik Oqartussat pisortat akissarsiaannut aningaasartuutaat qaffariarput. Matuma kingorna aningaasaliinissamik pisariaqartitsineq katillugu 5,90 mio. kr.-iuvoq. Taggissinermi tassani AC-mut tunngasuni isumaqatigiissut nutaaq atuutilerumaartoq sillimmaartaarfigineqanngilaq.

Konto pingaarneq 20.11.56, Missingersuutinik iluarsiiineq, allaffissorneq 2006-imi aningaasanut inatsimmi -5,20 mio. kr.-inik immikkoortitsiffiqineqarsimavoq.

Namminersornerullutik Oqartussat pisortaqaarfii isumaqatigiissutinut aningaasartuutinut siuliini taaneqartunut iluarsiiisuteqartinnikkaluarlugit sipaaruteqarnissap taassuma suli atuuttunngortinneqarsimannngitsup piviunngortinneqarnissaa Naalakkersuisut siunnersuutigaaat. Tamanna pissaaq konto pingaarnermut 20.11.56-imut, Missingersuutinik iluarsiiineq, allaffissorneq, aningaasaliissutit 5,20 mio. kr.-inik qaffaaffiginerisigut

taamaalilluni tamanna nalimmassarneqassalluni, ilutigisaanik konto pingaarnermut 20.11.51-
imut, Isumaqatigiissutitut tunngasunik aningaasartuutissanut sillimmatit naleqataanik
appartillugit. Tassunga atatillugu immikkoortoqarfiit pineqartut tamakkerlutik
isumaqatigiissutitigoortumik aningaasartuutitut taarsiissuteqanngikkaluartumik sipaarutissat
taaneqartut ukiup taama ilinerani attassinnaassagaat Naalakkersuisut qulakkeersimassagaat
Aningaasaqarnermut Ataatsimiititaliamit tunngavissaatinneqartariaqassaaq, taamaalilluni
immikkoortortaqarfiit atuinerunerannik kinguneqartitsinnginniassammata.

Isumaqatigiissutit nutaat ilaatigut pissutigalugit aningaasaliinissamik pisariaqartitsineq
matuma kingorna 0,70 mio. kr.-iuvoq.

Tassunga atatillugu kinguliini allassimasoq oqaasertaliussaq Aningaasaqarnermut
Ataatsimiititaliamit akuersissutigineqassasoq Naalakkersuisut qinnutigaat:

”Naalakkersuisut – Suliassaqaqarfiit 10-89

Nr. 1.

*Suliassaqaqarfinnik allannguinerup kingunerisaanik kontut pingaarnert akornanni
aningaasaliissutitut oqaasertaliussanillu nuussuinissamut Naalakkersuisut
piginnaatitaapput. Tamakkua saniatigut allaffissornikkut kontut pingaarnerni xx.xx.01-
imi, 32.10.05 Dronning Ingridip Napparsimmavissua, 40.12.33 Ilinniartitaanernut
ingerlaqqiffiusunut ilinniarfiit, 62.02.08, Inuussutissarsiuutitut ilinniartitaanerni
ilinniarfiit, 20.16.01, Naatsorsueqqissaartarfik, 62.03.01, Ilinniagaqaqarnerisuteqartitsivik,
10.01.18, Kalaallit-danskit Namminersorneq pillugu Isumalioqatigiissitaat, 70.10.02,
Namminersornerullutik Oqartussat Nuummi qitiusumik allaffeqarfii, 32.11.01,
Peqqissaaveqaqarfinnik Aqutsivik, 32.13.01 Peqqinnissaqaqarfinnik Nakkutilliisoqarfik,
allaffissorneq, 10.01.09, Isumaginninnermi Naammagittaalliuteqartarfik, 33.01.11,
Pinngortitaleriffik akornanni aningaasaliissutitut nuussuinissamut Naalakkersuisut
aamma piginnaatitaapput.*

Oqaasertaliussanut nassuiaatit

*Oqaasertaliussat allanngortinneqarput suliassaqaqarfinnik allannguinermut
atatilluguinnaangitsoq Naalakkersuisut allaffissornikkut kontunik nuussuisinnaanerat
erseqqissarniarlugu. Peqatigisaannik qulakkeerneqassaaq kontut pingaarnert .01-
imik naaneqanngitsut akornanni aamma nuussuisoqarsinnaasoq. Naggataagut
piginnaatitaaneq annertusineqarpoq sillimmatit aamma tapiissutitut missingersuusianut
iluarsiissutit ilanngunneqarlutik.*

Oqaasertaliussat allanngortinneqarput.“

Oqaasertaliussat oqaasertaliussanullu nassuiaatit oqaaseqatigiinnerat tunngavigalugu
Aningaasaqarnermut Ataatsimiititaliamit ilimagineqarpoq, isumaqatigiissutitut nutaat ilaasa
aningaasalersorneqanngitsut 0,7 mio. kr.-iusut siuliini taaneqartut allaffissornikkut kontot
pingaarnert assigiinngitsut akornanni nussuinikkut natussuserneqarnissaat Naalakkersuisut
anguniarniaaraat. Tamanna naammagisimaarlugu ataatsimiititaliamit tusaatissatut
tiguneqarpoq.

Taamatuttaaq akileraarutit suliarineqartarnerisa qitiusumit ingerlanneqartalernissaa ilaatigut
pissutigalugu Akileraartarnermut Pisortaqarfiup allaffissornikkut kontoa katillugu 3,50 mio.
kr.-inik atuiffiunerussasoq naatsorsuutigineqartoq 2006-imi septemberip naalernerani
Naalakkersuisut missingersuutitut ilisimatitsineranni takuneqarsinnaasoq
Aningaasaqarnermut Ataatsimiititaliamit paasineqarpoq. Aningaasaliinissamik
qinnuteqaammi matumani, tak. siuliini taaneqartut, konto pingaarnert 20.11.67-imit,

Akileraarutit qitiusumit suliarineqartalernissaannut sillimmatinit taamaallaat 2,50 mio. kr.-it nuunneqarmata, aningaasaliinissamik pisariaqartinneqartut sinneri Naalakkersuisoqarfinni nussuinikkut naammassiniarneqartut Aningaasaqarnermut Ataatsimiititaliamit ilimagineqarpoq, tak. oqaasertaliussassatut nutaatut siunnersuutigineqartut issuarneqarneri siuliiniittut. Tamanna aamma ataatsimiititaliamit naammagisimaarlugu tusaatissatut tiguneqarpoq.

Siuliini allanneqartut tunngavigalugit Aningaasaqarnermut Ataatsimiititaliamut qinnuteqaatit tamakkiisuusussaanagerat Aningaasaqarnermut Ataatsimiititaliap Naalakkersuisunut eqqaasitsissutigissallugu minikkumanngilaa! Tamanna suliami matumani pisimanngitsoq ataatsimiititaliap pakatsinertaqartumik oqaatigissavaa.

Aningaasaqarnermut Ataatsimiititaliap aalajangiinera

Siuliini oqaaseqaatigineqartuni innersuussutigineqartut tunngavigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliami siulittaasoq